

0 10 20 30 40 50 60 70 80 90 100 110 120 130 140 150 160 170 180

Inches
Centimetres

22.6523
0032.073
1/3



Kodak Color Control Patches

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33

© Kodak

亳州志卷十五

封授正一品花翎四品銜升缺用亳州知州

列女志 烈婦

明

李氏海秀

一作壽

妻嘉靖二年亳大飢秀死無以葬氏負土

為墳悲號哀慟見者感泣鄰媪或勸之嫁以死自誓貧不能

存活抱幼女沉河而死越三日屍浮如生女猶在抱御史張

惟恕表其閭附祀夏侯合女祠

王氏馬鼎新妻兄鼎銓卒嫂楊氏矢志撫兩孤子鼎新繼卒

王謂楊曰汝有子宜守我無子宜殉遂縊死柩側



曾氏王□□妻夫早亡子幼寇至欲污之不從殺之就刃而無懼色

楊氏胡尊周妻夫故欲以身殉家人防之密氏給守者曰爾等暫退容吾少卧守者退自縊

梅氏唐詩妻寇至抱幼女登樓面牆而坐寇入樓逼氏怒罵與女俱遇害

翟氏朱應鴻妻夫亡年四十病不能起卧氏奉養備至應鴻死貧無以殮氏乞得棺殮畢自縊死於棺側

王氏庠生程宗洗妻崇禎未寇至人皆奔避氏自度不免於辱遂自縊

王氏庠生楊芳溥妻夫亡窆畢自縊死

王氏汪二元妻遇寇不屈死

于氏方宜之妻

龐氏孫鈞妻鈞業販豕夜行爲盜所殺氏矢志守節夫族逼

其嫁遂自縊死以下至許氏高承烈妻皆國朝雍正年間

梅氏程□□妻年十八寇至氏登樓以避賊氏投磚擊賊賊少避自縊死

甯氏程□□妻年十□夫亡有姑在堂忍死以養歷四十年姑死禮葬畢遂自縊於姑之墓旁

倪氏程□□妻夫病嘗割股以療及死撫嗣子以守事姑二

十餘年闖賊之變爲賊所逼不受辱遇害

吳氏駱□□妻年二十夫亡撫孤守志闖賊至登樓避之賊焚樓乃下遇賊欲虜之不從母子俱被害

胡氏魏□□妻年二十夫死無子止一幼女撫之守志十餘年值寇至自縊

張氏吳希堯妻楊氏吳希孟妻寇至妯娌同行避難猝遇賊欲虜之去楊氏以傘擊賊俱被害

劉氏翟雲府妻寇至殲其家欲虜氏去氏給之曰吾有金埋後園可取以去賊欣然赴園中而氏抱幼子投井死

王氏庠生王二賢妻闖賊之變氏匿暗處賊入室執婢詰之

因得氏趣使上馬氏厲聲罵賊支解之

程氏庠生崔起妻流賊之變自度不能脫乃與媳胡氏相向自縊死

夏氏庠生王斌妻年十五歸于斌崇禎壬午寇陷亳斌遭賊虜氏欲自刎爲家人所救不得死乃出釵鈿令二僕負病翁瀟行道逢賊劫之行氏大罵曰我家世衣冠恨不能提刀殺賊肯從賊行乎不屈而死

郭氏胡懋芳妻事姑孝崇禎時流賊寇北門懋芳負母偕氏奔北岸羣盜突至氏扶姑避橋下賊指曰汝從我氏以手挽姑賊怒曰我先殺此老嫗氏曰甯虜我勿殺我姑輒趨登橋

賊從之至橋頭奮身投急流中死

李氏孫養冲妻守節已二十六年流賊陷亳氏時廬居墓側

寇至逼令造飯氏大罵賊被殺而死自龐氏孫鈞妻以次據通志改列明季

國朝

杜氏蔡銳妻年十八于歸孝事舅姑及銳疾祈天請代經年

銳卒殮畢卽自縊柩旁

許氏高承烈妻承烈死氏遂自盡

冀氏懷毓秀妻毓秀卒無子殮畢從容自縊於柩旁知州以

詩弔之

宋氏梅有檜妻無子夫亡服闋自縊以殉見通志乾隆年旌

劉氏陳桂環妾桂環他出氏獨居逆僕程申挾刃以犯氏不從遇害申亦自殺

王氏李四妻趙丑欲強奸不從殺之引領受刃無懼色

張氏沈鏘妻鹿邑縣原任辰州經歷張貢玉女歸鏘後盤匝

親承能盡婦職日以紡績佐鏘讀讀不已績不休也生三女

長甫數歲一在襁褓鏘適有疾身奉湯藥寢食俱廢時籲天

願以身代及鏘病故氏卽欲身殉翁姑慰之曰守亦節也獨

不念此呱呱者在抱乎氏泣曰婦人義在從夫他無所知惟

念雙親遲暮不能奉養重爲堂上憂則負不孝之罪耳身外

事何必計憶翁姑知其意不回使人嚴防之氏乃從容經營

衣衾棺槨盡哀盡禮越三日防少弛而自經矣時年二十八歲歿後翁姑為之擇應繼子貫一承其夫後

乾隆四十年旌

王氏于萬有妻李俊圖奸未成致氏羞忿自盡

乾隆四十七年旌

桑氏耿文元妻被宿州民人吳蘭糾約在逃之王信圖奸未

成投井而死

陳氏李中存妻被中存總麻服弟李四出言調戲羞忿自縊

沈氏何永澤妾沈維周義女年二十歲夫亡大殮後乘閒投

環而死

馬氏徐開會妻馬純女二十四歲夫亡殉節自盡

張氏仕勇通志作永貴妻夫病故殉節自盡

吳氏鄒永福妻監生吳太聰女二十一歲夫故投環自縊

李氏陳兆鳳妻李碩玉女十九歲夫病故痛哭不絕聲飲食

不入口者五日遂投環自盡

黃氏顏懷禮妻黃建翮女二十六歲夫病故三日即自縊

楊氏張五典妻楊輔龍女二十五歲夫亡自縊

以上嘉慶年旌

劉氏洪泰來妻劉長太女二十一歲夫亡自縊

張氏名舉姐張振妻張永方女年二十歲于歸閱五年夫病

故呼天籲地誓欲捐生因娣姒見其志決時防閑之迨七日

送夫安葬後乘間自縊

武氏薛國璋妻夫亡殉烈 柴氏李承家妻

王氏文童懷志免妻

單氏杜景華妻

楚氏文童徐福盛妻

劉氏李連生妻

楊氏文童李克謹妻

馬氏李逢辰妻

李氏黃金貴妻

史氏楚九喜妻

支氏周永壽妻

周氏梅純玉妻

謝氏葉其德妻

董氏張鳳舉妻

李氏馬永妻

王氏文童楊啟運妻

張氏李聞遠妻

胡氏文童陶淑儀妻

周氏文童張敬齋妻

張氏文童刁永泰妻

李氏文童吳雲亭妻

顏氏文童鄭朝桂妻

李氏文童郭大祥妻

王氏文童馮本道妻

雷氏文童武舒泰妻

王氏文童楊叶夢妻

錢氏文童王坦妻

譚氏文童董方升妻

李氏楊渙波妻

楊氏文童董長興妻

劉氏文童常崇德妻

鄭氏文童吳承宣妻

江氏李□□妻

蔣氏文童張懷遠妻以上夫
亡殉烈

李氏張覆達妻嫁逾年達死氏即投環舅姪救之免氏曰是使少媳之魂無所依托也卒死達有妹適聶世綬嫁甫三月世綬死誓以身殉家人防之密至歲杪伴作笑語度辦家事防者遂懈乘間自縊

蔣氏孫玉妻玉死自縊

李氏李海金妻海金死自縊

懷氏王槐妻懷海峯女于歸期年夫遇暴疾氏歸甯及歸家而夫已卒慟不欲生舅姑防之甚周卒乘閒投環而死

李氏張遠妻遠死自縊

程氏戴希聖妻希聖死自縊

李氏孫伯祥妻夫亡自縊

王氏李善久妻夫亡自殺

耿氏張德明妻二十四歲夫故氏棺殮畢二日即自縊

蔣氏鄧士勲妻夫亡無子苦節奉姑姑歿葬畢投環死

李氏鎖炎妻嫁僅三日夫死視含殮畢即自縊

邢氏馬景瑗妻夫亡氏撫孤守志及孤殤即自縊

仰氏張御六妻夫客死於外及柩歸氏自縊以殉

丁氏鄧成龍妻二十二夫亡絕粒死

王氏牛屠烟烈火妻夫亡族黨其欲嫁之不從逼之至再氏

伴應之至期乘間自縊死王雲萬撰曰王氏夫業屠對單軼其名居關外西街里人稱為煙烈

火以解牛中惡死生二子大者五歲次在懷抱氏年二十餘

烈火之兄視為奇貨氏兄亦覬踰再嫁托隣媪誦之不從繼

乃脇以危言氏誓且泣誓無改兩兄耽耽欲未已私受聘圖

猝遣之彩輿鼓樂忽闕門闌兩兄攘臂促駕氏掩泣曰休矣

我亦知度日艱辛此行自不能已但去後兩兒得來往否兩

兄齊應曰可則少有喜色且曰頭久不櫛衣又做強顏作新

人那無新粧一襲耶來迎者轟然應或解包或持衫或持裙

爛然照席婦乃徐進後屋索水整粧翠雲繞握閨淚盈眸媒

媪又殷勤持脂粉至氏則又大喜曰趨喚二兒來大者至給

以餅摩其頂曰娘別汝尋活路去矣小者接嬰以乳即付媒

媪曰煩暫引門外游戲片時遂半掩其戶筋筋若施朱粉易

衣履者媪抱兒出囑兒啼不已輾轉間還顧室內寂然無聲

張戶視之已懸繫床楹矣維時花燈息影輿裂樂人從人紛

紛皆逸兩兄愕胎喪魄與媒媪皆兩足如痿急不可脫滴州

守以他事過里門羅聲鏗然鳴於是隣里齊攀輿訴其事而
事中人故在乃一按名先重德之市衢飭令厚斂後論如
律此事哉州庠生張儀卿家乘中儀卿耄而好學樂與人善
故筆之論後日無使泯沒余初聞其事而異之異業屠之家
既無重門邃室而兄若媪又往來如織豈容詭托梳洗從容
自縊既乃歎王氏之智在戶之半掩也心定則生慧若王氏
者洵可謂
從容矣

任氏儒童汪心德妻嫁一年而心德死氏欲以身殉以救免
踰月防者少疎乘間服毒覺之強灌解獲甦頓足曰誤我我
非不念舅姑然妯娌多賢能奉養薄命人誓不復生遂絕食
六日死

汪氏蔡長春妻年二十五適長春家極貧而艱苦自任無怨
言夫染病親侍湯藥七日夜及夫亡無子謂其夫三弟長癩

曰爾兄既亡吾獨生無益也且二叔早故既以嫂姪累汝吾
家無升合更不忍重相累也遂不食長燮率家人苦勸之不
聽蒙被痛哭日夜不絕聲勺飲不入口七日而亡

閔氏朱大印妻于歸三月而夫故家貧不能卜地氏因葬諸
義地悲哀感行人俟封築完固猶治飲食款送葬客是夕卽
自縊

周氏劉福妻年十七于歸二十一歲夫故其姑欲嫁之氏曰
吾母家雖窮名不可污遂自縊

王氏名慧姐監生孫元熙妾事嫡甚謹元熙卒殮三日氏雖
泣無悲容人疑其忍薄暮呼家人市酒酌向嫡曰連日勞甚

飲此可早眠因徧賜婢媪嫡呼與同寢及寤覺榻無人覓之
已於房後簷間自縊死乾隆丙午六月初三日

郭氏孫之印妻夫以疫卒姑久歿舅元道又遊學於外氏生
一女方襁褓志欲殉夫謂小姑五姐曰汝兄歿舅又外出吾
將從汝兄於地下奈汝何女曰嫂弟從之莫我慮也氏遂攜
女赴井死五姐自念兄故嫂殉父又遠出隻身何依設有他
虞將奈何亦自縊死聞者莫不哀之

邢氏張立望妻二十歲寡無嗣夫弟幼小倚夫之伯父母度
日迨夫弟授室生子立為夫嗣曰吾事畢矣夜遂自縊以上道光

年

謝氏沈佐妻夫亡殉烈咸豐年旌

陳氏孫連通志作達士妻 王氏戴含英妻

邢氏王玉成妻 李氏魏雲衢妻

程氏蔣廣譽妻 李氏秦文錦妻

田氏翁心誠繼妻夫亡絕粒五日死

尚氏戴麟書妻以上夫亡殉烈

王氏于成先妻粵匪竄亳與夫弟孟先妻楊氏夫姊盧學經
妻于氏同縊死時咸豐二年五月四日也

孫氏汪樂化妻寇至自縊死 趙氏譚浩妻遇變自縊死

鮑氏韋口口妻粵逆至與子學思妻陳氏妾臧氏學書妻吳

氏孫丙午孫女蘭姐煥姐已嫁女喬全功妻韋氏女外孫喬
大姐喬二姐合門自焚

劉氏任景岐妻遇變與夫及子忠罵賊俱被害

翁氏王佳勳妻遇變抱幼子七兒投井死女改姐年十七賊
欲污之詈弗從乘間奔別室自縊

張氏李本善妻寇至與小姑廷姐同縊死

黃氏趙金臺妻

秦氏張紹洙妻

李氏郭魯光妻

楊氏李春林妾

任氏許振昌妻以上兩至與夫對縊

趙氏吳金標妻寇至夫被害自縊死

李氏鄭子貴妻賊至與女杏姐俱縊死

鄭氏李□□妻賊至與子永福媳程氏同縊死

陳氏顧紹孟妻同夫罵賊俱被害

程氏李占妻令姐其女也賊至逼爲炊飯強應之至厨下女
泣謂母曰賊意不善若不死恐不免矣母女遂相繼縊

戴氏從九夏廷儀妻聞賊至投其幼子於水與小姑琴姐對
縊死琴姐年十七

高氏張惠元妻賊至與小姑六姐對縊死

田氏張天祥妻夫亡守節遇變殉烈

張氏李寶善妻夫被賊害氏與小姑節姐同時自縊藁葬院

中越二年出其尸貌如生

李氏恩貢生楊碧海妻

李氏周士榮妻

余氏劉文祥妻

馬氏劉名儒妻

丁氏李寶山妻

魏氏李庫妻

田氏許本仁妻

張氏李鳴琪妻

張氏李鳴球妻

蔡氏李太增妻

張氏許長春妻

嘉氏許存忠妻

賈氏許存義妻

劉氏許金鳳妻

劉氏董登捷妻

蔣氏王□□妻以上遇變殉烈

明氏周守信妻子福安妻馬氏父子被虜姑婦均自縊死

馬氏李傳董妻

李氏張鐸妻

顏氏楊貫一妻

卞氏楊心廣妻以上遇變殉烈

趙氏庠生馬來增妻誤聞夫被擄自縊死

張氏廩生吳英妻遇變與夫姊宋金梁妻同自縊死

張氏宋□□妻宋金梁弟婦事蹟未詳

石氏廩生穆志修妻捻逆圍城氏鄉居令妾張氏攜子女出

避自縊死

于氏盧位妻

張氏耿德印妻

傅氏張玉成妻

雷氏許德妻

劉氏許德富妻

吳氏孟衍晟妻以上遇變殉烈

李氏張永康妻夫陣亡氏罵賊被殺

胡氏□□□妻胡鳳信女□□欲從擒匪氏諫不聽自縊死

支氏戴學海妻遇變殉烈

馬氏黃心禮妻夫亡葬畢投井死

李氏葛立亮妻夫陣亡氏投井死

張氏庠生屈茂顯妻夫亡自縊死

李氏朱廷貴妻夫病刲股卒不起氏飲酢死

張氏楊廷申妻芸田拒暴被殺

李氏任旺妻
徐氏任永剛妻

陳氏何□□妻以上俱同治年旌

胡氏副將銜游擊張開泰妻夫亡殉烈

高氏李同福妻
李氏劉占鰲妻

張氏孫得貞妻
何氏楊天保妻

張氏吳金章妻
張氏王汝咸妻

李氏張新榮妻
張氏楊□□妻

氏王□□妻
張氏蔣□□妻以上見表徵錄事蹟未詳

民婦張王氏因人圖姦羞忿自盡

張氏文童朱金榮妻夫亡殉烈

姚氏黃鳴聲妻夫被賊害氏求人殮埋歸自縊

薛氏劉寶恒妻
李氏馮浩妻以上夫亡殉烈光緒年旌

周氏張守科妻夫亡遺服生女絕食死

孫氏程有介妻

程氏張廣順妻

倪氏馬炳安妻

胡氏紀信書妻以上夫亡殉烈

張氏丁祥麟妻

汝氏程彩雲妻以上夫亡守節遇變殉烈

口氏王振成妻粵匪陷城與夫同縊死

侯氏張口口妻寇至抱兒丙寅投井死

石氏郭文友妻賊至先縊其三子長名長義三子名馬四名時乃自縊死

雷氏許景明妻遇變殉烈女適張口口先縊其子亦自縊死

王氏張二妻賊至先縊其三子長名義次名毛女名煥乃自縊死

桂氏周鳳鳴母高氏周鳳儀母朱氏周鳳來妻粵匪至亭闔

門焚死

口氏趙口口妻同子趙端隨固始令寄寓亭城粵匪陷城氏

被殺甚慘子端挺身遮護同遇害

羅氏李口口妻遇變殉烈 張氏徐起昆妻遇變自縊死

趙氏李大用妻遇變自縊死

崔氏胡泰來妻賊至與夫及子維智維仁女貞姐闔門縊死

劉氏胡泰甯妻粵匪至與夫及子維勇維達女賢姐淑姐闔

門縊死

王氏劉口口妻賊至抱孫鎖投井死

薛氏錢天朗妻捻逆至先縊其二女乃自縊死

高氏從九王汾妻寇至抱女投井死

王氏孟口口妻遇變殉難遺一女矢志守節姑逼嫁不允強

鬻之將嫁前一日攜女哭於墓所大慟氣絕昇歸即夕死

支氏張口口妻寇至與子中和妻王氏中立妻王氏孫女現

姐同縊死

車氏楊文明妻

劉氏胡口口妻

魏氏胡心安妻

口氏趙學賜妻

蘇氏王長貴妻

蔣氏鄭狗妻

龐氏李秀山妻

孫氏李傳禮妻

龐氏劉衍慶妻

傅氏彭登雲妻以上夫亡殉烈

詹氏吳允德妻刲股療親夫亡絕粒死

洪氏張一作趙玉妻天津人咸豐三年寇至罵賊與子學普俱

死媳石氏守節以終

馬氏蔣尚仁妻捨匪至自盡以上待旌

孫氏李口口妻李太言因人圖姦羞忿自盡

朱氏周學來妻 李氏趙家和妻

王氏李修章妻以上光緒六年旌

張氏孫培琅妻因人圖姦羞忿自盡光緒十八年旌

張氏儒童吳金章妻庠生張國用女氏適金章一年咸豐癸

卯粵逆破城金章被賊嚇脅病死母密謂女曰想居亂世汝

何以處未防女赴後院投環自縊

王氏張毓芝妻年十九夫患暴疾病死氏屢縊被救翁姑力勸守節令氏母接回勸慰延月從母家還隨乘隙吞烟死

李氏修興旺妻捨匪陷寨懼汚自縊死

李氏王紹武妻咸豐九年青楊寨破懼汚抱女投河死

梁氏王雲嶺妻咸豐九年青楊寨破賊欲擄之氏大罵被殺

口氏南宗武妻被捨匪族弟宗尹刳氏及子女勒令宗武降

匪氏罵不絕聲宗尹將氏及子女擲於寨濠內子女哭訴求

生氏抱子女謂之曰隨母歸福地勿哭母三人遂死於水

曹氏王口口妻夫亡殉烈

馮氏王口口妻夫亡殉烈

陳氏王口口妻夫亡殉烈

馬氏王口口妻夫亡殉烈

王氏儒童葛拱辰妻王愷盛之女氏年二十一歲歸葛事翁姑盡孝相夫子無違閱三年夫病歿自縊以殉

王氏儒童宋慎伍妻王學書之女氏幼喪父母亦殉節賴祖母養成克盡其孝二十歲歸宋善事翁姑和睦妯娌族鄰俱無間言光緒二十年夫故立志殉節絕食七日遂卒時年二十三歲

貞女

明

侯氏女幼字儒童徐文起未嫁文起死女年十五聞訃欲自盡母防之密不得死乃赴文起家祭奠遂不還宿柩傍三載守道胡聞而獎之後遇荒亂二家死亡畧盡乃依族姪位居苦守四十八年

國朝

劉氏女許字胡卓未嫁而卓病篤舅姑欲迎氏歸父母有難色女從容言曰夫病舅姑老願往侍湯藥遂往越五十日卓死欲殉不得矢志守貞孝事翁姑撫育嗣子

雍正六年旌

趙氏女幼許字李仁爲妻未嫁李仁病故氏十九歲白其父
懇隨往奠父母如其志奔喪成禮號泣欲絕遂守苦茨撫猶
子學孟以續夫祧家貧甚日夜績紡以供甘旨教育有方孤
克成立歷節四十二年乾隆二十
年旌

薛氏女許字張道福道福爲賊所虜女守貞五十餘年

李氏女幼字高應魁未嫁應魁死女年十九奔喪成禮家素
貧勤紡織以事翁姑及翁姑歿殯葬如禮撫嗣子九齡教養
備至苦守四十五年

顏氏士洪女字李其倫爲妻其倫十六歲病故女年十七卽
請命于父過門守節撫繼子成立禮葬翁姑苦節三十年

郭成姐張驢之聘室郭子成女聞夫病故遂告明父母過張
門守志乾隆五十
五年旌

趙氏李釗未婚妻趙連璧女十八歲聞夫死過門守志卒年
六十六歲嘉慶七
年旌

陳氏張玉珍聘妻陳天章女十九歲聞玉珍病歿父母欲奪
其志自刎未果遂過門守志六十餘年七十餘歲卒嘉慶九
年旌

裴氏路雙慶未婚妻裴天都女十七歲雙慶病故卽過門守
貞三十二年嘉慶十
一年旌

王玉姐顏士玠聘室濱州知州王慶澤孫女武舉王樹堂之
女自幼從父讀書頗明大義夫故時年二十二歲一聞訃至

痛哭而絕父母急救得蘇女曰人各有命此吾之命也况我
王氏三世節孝久邀旌揚固知從一而終女子之義吾志
在奔喪代夫侍奉翁姑以盡孝道遂于嘉慶九年七月至顏
門守志孝事翁姑承順憐人十三年正月病故時年二十六

歲嘉慶十
四年旌

翟氏鄒文質未婚妻夫亡過門守貞

道光四
年旌

章氏張靄聘妻章鐸女十九歲靄病故卽過門守貞六十九

年

張氏秦有敬之聘室張天仁女將及婚期而有敬病歿氏聞
訃卽欲奔喪父母勸解不聽遂赴有敬家哭奠誓不回家其

翁秦聖凡又勸曰吾家薄田數畝糊口不足汝安能終守氏
曰翁既不留我惟有死而已遂持刀欲自刎不得已從之從
此孝事翁姑始終不怠未幾翁姑相繼逝其三子有經方五
歲氏卽撫養愛同胞弟有經所以得成立生子者氏之力也
現年六十餘歲

張氏馬理昭聘妻張居易之女于歸有期而理昭病故女聞
之悲哀不食欲自盡父母防守甚嚴且慰之曰汝義不可死
獨不懼傷我二人心乎女泣曰兒正不敢負此心耳安忍傷
父母必欲兒不死須往伊家事翁姑父母漫許之越日女知
父母意復絕飲食父母不得已攜之往弔遂留事翁姑從無

間言現年五十一歲守貞三十年

孟氏名富姐方桓之聘妻孟毓璋之女年十七聞桓病卒誓不欲生父母防守之不得死已而素服往弔因留以事姑有夫弟標方數歲氏念親老弟幼遂并日親操加意奉養舅姑病輒焚香願以身代未幾而標又卒氏乃力勸舅姑娶姬遂生子瑞全已成立咸謂方門有後皆氏之賢孝所致也

張氏支學茂聘室二十二歲聞學茂病故即過門矢志守貞代夫孝養雙親繼長房猶子承嗣現年五十二歲守三十年學使旌其門曰貞昭千古

汪氏女許字張天科為室 張氏女許字譚應承以上未婚守貞

夏邑舉人楊保恆女字何其倬年十七未婚夫卒奔喪持服

立嗣守貞 狄毓鄉撰曰何母楊太安人河南夏邑人也父楊公諱保恆道光八年舉於鄉官輝縣訓導與起夏

峯孫氏之學邑之言學者宗之邑與毫隣毫士人能讀書世其家首稱何氏兩家以同學勵志友善者先世不一人而公

與何公諱琛者尤相愛也安人性端慈穉齒即不苟言笑讀書穎慧逾男子願不喜汜覽獨遇古今忠孝大節暨婦女貞

烈者輒誦詠不去口幼字何公第三子何公生四子而殤其長次桂芳官河南浙川廳同知卒無子三其倬年十五未婚

而殤而安人以女子身身矢節來為婦例有後四其佩亦早逝生子璽璽生一歲而喪父璽以母宋太安人節孝獨子例不

得嗣伯叔第以長子嗣長次子嗣貞承次三兩宗願殤子終得有嗣則安人貞孝之力也初何公聞安人賢為三子聘

焉曰吾兒善讀書又能志道復得陽公賢女子為助異日學當有成既殤公哭之慟曰是子也又殤天平楊公至則撫之

曰君子可無傷也吾女聞君子亡以義請願來為亡者婦奉舅姑代子職終且立嗣使亡者有祀曰不獲請當死已許之

矣君子可無傷也於是公且哭且頓首謝楊公卜日命素輿逆之抱木主成禮入幃守喪時年十七歲歷五十三年年七

十歲於今上光緒十四年十二月十三日逝世承祧孫嗣
貞奉喪合祔於亭先於同治七年禮部上其貞孝狀奉
旨旌表加例安人在家時能孝其祖母及父母既事舅姑尤
勤懇得其歡心睦娣姒教子姪惠奴僕周戚里儉衣食懿行
不勝紀然在安人則為小德弗詳述婚媾中婦女或有刻
相爭及不善治其家室者第就安人半日語歸即幡然改
安人初不及知也贊曰疾風知草拔蕩知忠豈惟臣道有之
婦道亦然顧未婚守志世即議為過禮不知禮所不載亦所
不禁夫以寬待人而人即隱然自化耳大清定律夫死婦能
者其閨門之懿範與○附錄夏邑楊保恒撰寡女歎悲風四
捲秋宵徹撼牖寒燈明滅寒蟬急切人不眠有女吞聲淚
成血我生三女女居中弱植為百年頌仙根何處人間種濁水
膝前宛轉初花紅相攸竊為百年頌仙根何處人間種濁水
傳聞傳粉郎英姿颯爽難為從天定良緣世所知六媒珍重
為牽絲雙飛尚覺鴛鴦小六禮先教羔雁隨郎少四年十五
祀入我纏綿締結矣霜風刀利斷絲蘿生理玉樹黃泉裏誰
知女已夢連宵精魂百里感迢迢計未來時腸已結幾日淚
枕浮江潮誓堅金石志先定聞之益信天難勝可憐弱女嬌
如癡推心一慟呼不應泉路茫茫感夜臺生前盟就死何猜

人間不見幽冥見蕙死同死菊同摧我與阿母殷勤譬古訓
三從兒所識兒今未嫁父命尊高堂忍使同顛顛兒感我言
思再三重傷親意兒何堪兒生知是何家婦但改此字死猶
慙况兒知父重節義一節常恐幽沈寘六十四家綽楔降金
完玉碎皆同類父母許兒守志終兒事父母翁姑同何家得
兒存此子免等天殂血食空我聞此語痛心骨慄慄大義誠
難越人牛弱草棲輕塵百年轉瞬同銷歇兒能挺作丈夫行
網常賴之良不傾我敢齷齪屈兒志俾爾抱憾形管清從兒
敢復為兒惜但是此心難爾釋歲初日海棠紅一朝使爾
撐孤松淒風苦雨閱朝兒未甘齡我半百我即上壽孝者
登兒尚青絲髮未白鬪兒勉舅姑前兒在代終孝為先相
貞筠潔晚逾茂會引雛鳳來踰躡兒志益堅衰經易鉛華金
鈿甘常棄浮雲轉眼太虛空不朽或難惟名節異送子歸來行
路傷他年應與懷清芳古今悲樂致難一人生有女摧肝腸
吁嗟乎人生有女摧肝腸

崔氏女字李心海未婚夫亡奔喪守貞立姪有剛為嗣有剛
成庠生以上同治年旌

李氏女字蕭勳

劉氏女字陳得森

戴氏女義姐扶家

蘇氏女字楊大本以上未婚守貞

王家太女字文童趙方廉未婚夫亡訃至母秘之女不知也
既而聞之已年餘矣縗經奔喪立嗣守貞以終

馬魁女景姐字丁林蒼

武氏女字吳如雲

張氏女字文童戴鳳書以上未婚守貞

口氏女字吳建童養夫家未婚夫歿立嗣守貞以上光緒年旌

王五姐素貞字李殿基未婚殿基以父罪籍歿旗戶五姐年
未十歲聞之甚悲少長父兄將議婚不可撻之流血終不從
會殿基撥入象房為奴告其主厄里庫請假歸娶父凡不受

以逃旗首告復解歸五姐遺以貲且出一小鏡藏其半曰此

鏡必合也更十餘年五姐年四十矣乘兄出驅車至京而殿

基已娶蕭氏女生一子至是將合故鏡焉五姐不可曰不鳴

于官是私奔也嗣經御史奏聞命釋殿基歸籍完娶飭有司

給五姐祖父所遺產一時王公大人競出金幣佐花燭而旗

主亦以蕭氏女來媵附錄王士正書王氏事巡視南城監察御史阿爾賽畢與霖阮爾詢等題為曲

全孝義以敦風化事該臣等看得王知禮即叛案牽連李範同之子李殿基也其母張氏給配象房校尉王福殿基年甫

三歲因冒王姓後充校尉經鑿儀衛革退賣身廂紅旗佛爾海佐領下厄爾庫之家據幼聘王氏稱係鳳陽府亳州人年

三十四歲伊叔王中凡兄王邁千逼嫁決志不從探得伊夫尚存不忍即死守婦人從一之義匍匐于餘里外誓圖完聚

此女子真有丈夫行也據厄爾庫稱我本一窮巴牙刺價買李殿基供役復買蕭氏配為夫婦今重王氏節義不取身價

情願斷出又不忍拆離李殿基已配之婦並許與蕭氏同歸
 輕財好義此巴牙刺真有義士風也據范一魁稱年六十二
 歲但以異姓人攜一女子同行迹涉嫌疑事于非分因喚穩
 婆更深驗過已得真實處女之供是范一魁憐王氏立志尋
 夫不願是非成敗護持完節亦人情所難皆 皇上至德
 深仁慈濡化洽人心風俗直趨唐虞是以女子懷貞匹夫嚮
 義播之海內傳之千秋知盛世貞節之風超出往昔裁籍之
 外如此臣等查在官人與旗人原有定例何敢越例妄請但
 王氏矢志守節身死尋夫若不准其完聚王氏無從歸著情
 事可憫雖據厄爾庫稱情願斷出聽其完聚然又非現行之
 例臣等因事關風化仰體 皇上堯舜不忍一夫一婦不
 得其所至意輒敢備述上聞格外之仁均侯睿斷云云事下
 禮部議得李殿基先應役於象房後鬻身於旗下雖無放出
 為民之例但亳州女子王五姐逼嫁不從千里尋夫巴牙刺
 厄爾庫不取李殿基併蕭氏身價情願放出為民應令李殿
 基併蕭氏等准其出旗與王氏完聚仍令王氏母家給與贖
 賠俾其得所可也康熙二十八年四月二十九日奉 旨
 依議予山居時於邸抄見此疏竊歎王氏以未嫁之弱女其
 夫幼更患難歷三十載生死契濶不復相聞即叔兄勸其改
 字亦非悖理乃崎嶇千里堅貞百折卒成其志奇哉女子足

媿世之鬚眉丈夫多矣至於厄爾庫輕財利而慕義范一魁
 冒不韙以全貞皆有古人之誼良史所宜大書特書者不可
 以無傳焉予承乏中丞時阮侍御貽以全疏刊本因節錄之
 如右 華志載王氏傳尚有李殿基發象房後告假歸家完
 娶五姐之兄王邁千不聽完娶反以逃旗首告仍復解京五
 姐使人遺以路費且以一破鏡遺之為必合之驗又有劉行
 人述五姐在京時義聲上達 太皇太后召見宮中下
 至王公大人莫不欲見其人隔簾揖之若禮佛然或呼善人
 或稱賢者莫不嘖嘖爭重咸增銀幣五姐俱不受人益善之
 歸里出所撥給之費為其夫授例入國學五姐雖屬婦女而
 言詞侃侃若惑河莫能屈之其貞毅之氣尤足感人云因既
 載阮亭小記不重錄舊傳而附識其事於後 按通志請旌
 未奉 部覆

石達盛女字□□□未婚夫歿守貞四十年窮餓死

王家太女字趙方珪 孫氏女字吳友雲 婚守貞

汪氏女字張天佑幼養夫家未婚守貞卒年七十二

列女

隋

木蘭一名花弧姓魏氏亳州東魏村人隋恭帝時募兵戍北方木蘭父當往而老弟妹俱幼木蘭乃請於父代行歷十二年身接十有八陣樹殊勲人不知其女子也後奏凱還天子嘉其功除尚書不受懇奏省親乃命軍士衛至其家釋戎服而服巾幘同來者皆大驚駭軍士還奏帝召赴闕欲納之宮對曰臣無媿君之禮以死拒之帝驚憫贈將軍謚孝烈鄉人爲立祠歲以四月八日致祭蓋其生辰云

明

朱女名蘭父朱紱許字胡□□年十四流寇至攻鄰樓急女作縲令父縊之父不忍女自收繩嘔血死

吳女名弟生員吳大亨女字程□□年十五寇至避於樓賊焚樓女下賊強之行罵賊被殺

國朝

張小四姐惡棍程□□強逼四姐怒罵遂遇害

順治年旌

商氏木工商良弼女年十九有姿色鄰人任五乘其父出破門強逼之女以死拒傷左目父聞歸視任逸去而女縊死矣知州尤拔世申其烈於朝捕五治罪

李氏劉三聘妻劉外出久不歸繼父張信欲負聘女不從自

縊

卜松姐爲棍徒李法所逼不從自縊

烈女不知其姓氏相傳北人也康熙間女之父避仇竄居於亳是時女尙幼女父以賣腐爲生至十餘年積貲有一百金女年長殊有姿色復端莊自好鄰里欲聘之女父母計親戚墳墓俱在北因避仇而來亳終必北歸不忍遠擲其女一日乃挈家旋北以爲日久仇消故鄉可歸也女與母各乘一驢其父徒行以從離亳二十里許見兩騎北來佩有弓刀突挾其女疾馳而去其父與母追奔數里哀號乞還女騎勿許其父乃出五十金以贖女又勿許既而罄其所積之二百金以

貢之騎取其金復挾其女以去父與母呼號不舍騎並殺焉
復行數十里女見道旁有井伴言口渴索水騎以孱弱女子
也許之下馬取水不得汲器女指曰前高樓中無汲器耶遂
一人守女一人往取女伺守者前顧躍入井中守者猝無計
取汲器者至乃以汲繩縋一人入井以繩縛女引之出又
縋繩引救女之人井上者方曲身俯井垂首力引女於是乘
勢竭力推之并墜井中女乃跨其馬奔高樓家訴其故村人
齊赴視之果有二人及引之出一人折頸而斃乃所推之人
也女拔其刀俱斷其首橐金咸在報之州守驗與訴符州守
奇之曰汝父母俱身死隻身歸北誰與汝主吾嫁汝可乎女

頓首泣謝因留入署中擇所拔諸生未娶者以嫁贊曰強暴
橫行警不畏死殺人掠人誰不切齒斃弱女呼天無由伴
渴汲水乃刃其仇智從烈生勇由孝起銀瓶趙娥兼以垂美
蔣氏女二姐爲丁三所逼不從自縊

張女名偶姐貢生張慶女許字吳維禧未婚卒偶姐聞訃自

縊死

王雲萬撰曰烈女張偶姐年十歲母董氏亡父妾

生子念慈女撫愛之如同產方念慈五歲時未能從父去館

女在家教之自十文孝經詩二南至王風皆女一年內所口

授也父性冷嚴家居朝又好陳古義飲食欲甘澹不適口即

却不當女當父有所諭新新聽受弗倦調劑飲食之節曲意

小心惟恐父不悅父甚安之女當母在日曾字吳氏子維禧

昏速乾隆壬辰夏五月望吳生訃至女聞之動靜顏色如常

日晚猶滄菜溫酒以進父命之退乃退旋摘榴花一枝供母

神主前歸其室比曉已自經死衣履端潔素帛皎如父賦哭
失聲檢遺書云不幸吳郎死矣兒於義不得不死彼雖貧病
我命也生死當從之若再受聘兒斷不爲反覆思之不如死
之愈也父親年老不必思兒若過於悲傷兒反不孝矣母親
祇生姐姪與我二女以後求加意待姐姪并寄聲姐姪我臨
死以榴花供母姐姪須識此意終身無忘母親再稟父親萬
萬不必思兒天地間無百年不死之人兒今去矣真大樂也
真大樂也女將葬州之士君子重其節以牲魚爲奠者甚衆
是日大熱物易腐敗乃送葬無一青蠅入室內者中外人莫
不驚異或謂女爲吳氏子死可從明秀水項貞女例俾之合
葬其父曰非禮也乃舉柩葬於潯陽先塋母董氏墓之左側
○朱筠撰墓銘曰貞烈張偶姐亳州歲貢生張慶之女也
十歲母死借姊侍父女紅暇則讀書讀劉向烈女傳慨然慕
之慶貧不諧於流俗而教於家有禮以無子娶妾生子念慈
念慈少長知讀書偶姐則佐父課之讀問與父相勞苦曰弟
小讀書敏長必成立父勿憂老且貧矣父爲之喜亦喜而潯
族黨交稱其孝初慶以偶姐許字同州吳維禧婚有期矣而
維禧病作手足攣治之久不瘳遷延改卜期者數而偶姐年
已二十有六乾隆三十七年五月十四日吳氏以維禧訃至
慶固知偶姐之志固憂之見於色顧察偶姐若無事者傍徨

無可奈何比夕偶姐侍父罷則閉戶就息越明而慶之弟婦
早起賦呼曰我窺櫺旣上見姪曰所製新履又有紙書置其
旁曰以此與我作遺施姪其死耶慶聞舉家賦起排偶姐戶
偶姐正服自經死矣又得書於几上曰彼不幸死矣兒不
得不死夫貧且死兒當從之二夫兒不爲不如死之愈也兒
雖短命獲好名父老矣勿以兒爲念若父哭兒傷是使兒死
且不孝也母生姊及兒兩人父善視姊與兒生同母死止留
此一條根矣父思之天下無百年不死之人兒去矣何不豫
耶何不豫耶慶讀之而哭哭而止走告於州學學正宣城王
萬年乞記之其年十月余試士於潯萬年當率臺之士來就
試爰手所記來謁余余讀之將列偶姐貞烈始末爲請旌於
而死一與之齊兮禮不改女不與齊兮不死女恥父怙而老
兮母不恃母死姊之存兮兒命短如此命則短兮名則美父
勿兒思兮惟姊視兒義不得生兮死不得止從死者樂兮母
所生者咎心之安一兮二不如已履綦素兮兒之似以遺我
叔母兮志兒之死喜梁桶端正兮悅纍累女死而歸
兮室無鬼魂魄安且吉兮旌有俟吳張徽兮載彤史

王大姐王之普女被馬成調奸不從羞忿自縊死

孫安姐被孫遐出言狎褻羞忿自縊以上乾隆年旌

白氏焦良玉未婚妻白平章女年二十歲良玉病故氏聞訃即自縊畱有絕命詩曰莫道我無知郎君死幾時雙親休念我薄命是孩兒

郭氏足姐黃維新聘室郭增女十九歲夫故女頗識字見夫家訃音即欲奔喪父母不許不出閨門數日百計勸之不聽忽於一日自起梳洗烹茶獻父母曰爺娘請寬懷若不仰體父母使父母憂心是不孝也假爲粧飾暗藏利刃至房中刺咽喉自盡

劉氏廷姐姚太平未婚妻劉德榮女十九歲聞夫亡投環自

盡

祁氏振姐田有德未婚妻祁士和女二十九歲夫亡投環自盡

祖氏峻姐楊瀛之聘妻祖程萬之女嘉慶十五年九月聞夫故痛哭欲絕父母勸慰之哭少止起居飲食如常遲二日防少疏遂自縊以上嘉慶年旌

秦氏羣姐李如彬聘室秦玉漢室女年十二歲值母病暗割股以進母病遂愈道光二年二月初七日聞如彬身故言笑如常至次日寅時值父母他出遂自縊時年十九歲家極貧父母殮以薄槨及葬有異香之氣聞於遠近咸異之知州任

公壽世郎於是年詳請

旌表入祠日墳墓自開其母與弟見其容貌如生衣裙宛然如彬之父聞之親往迎櫬與如彬合葬焉

武生孫凝泰女褥姐字蔣興達年十六歲聞夫訃絕粒十有

一日死道光六年旌

李氏女立姐字鄧寶廉聞寶廉卒自縊死道光年旌

馮氏女許字傅守崑守崑死訃至女即自縊

完姐劉永福女字傅口口未嫁夫病故自縊以上舊志待旌

吳氏女俊姐字陳三喜三喜被賊害女飲藥死

吳占鰲女節姐一作樊姐遇變自縊死

李占女令姐寇至與母程氏對縊死詳見列傳

陳傑女貞姐寇至自縊死 高魁榜次女六姐

李氏女雲姐昆姐寇至姊妹俱自縊死

李氏女節姐李賈善妹王氏女愛姐

張惠元女六姐 王氏女冉姐王梯妹

把總夏金鈴女琴姐 程氏女勉姐

夏氏女合姐 李氏女廷姐一作全姐

鄭子貴女杏姐以上粵匪至自縊死 王佳勳女改姐詳見列傳

韋學書女蘭姐煥姐喬全功女大姐二姐粵逆至同焚死詳見

列傳

趙氏女淑真字陳煥文陳避兵去亳五年無耗趙母別字之女卻聘誓守咸豐八年捻賊至自縊死

增生王銳扶女品姐字胡治安夫亡欲奔喪不獲絕粒死

田中倫女字高鳳儀咸豐八年罵賊死

楊萬青女字高其重同治二年罵賊死以上同治年旌

吳氏女字陳常 佟氏女字陶發祥以上未婚殉烈

于氏女滿姐

馬長姐字□□□聞夫計縊死

劉士傑女年姐一作姐字李金環未婚夫亡投井死以上光緒年旌

金氏女字職永良年十九未婚殉烈

劉氏女字石□□夫歿欲奔喪不獲作絕命詞自縊死

李氏女鎖姐拒暴被殺以上旌典年分未詳

冀氏名小能字張安為室安病故小能哀泣矢殉父冀羣周

防維謹卒乘間服毒死

陳氏對姐黃志謙未婚妻陳友江女聞夫病故遂自縊以上舊志

旌待

廩生潘璞長女名守貞咸豐二年粵匪陷城與父同縊死

胡泰來女貞姐靜姐 胡泰甯女賢姐淑姐以上詳見烈婦

戴學詩女雲姐 戴茹古二女

張氏女現姐 胡氏女奈姐以上遇變殉烈

王汾女字陳口口咸豐五年捻賊至投井死

汪廷志女字樊甲幼養夫家夫亡自縊死

王家楨女然姐年十七罵賊遇害以上待旌

宿女許字蔣文燦因亂父母改許捻逆韓姓女知自縊

某氏女宦家子也姓氏籍貫俱未詳捻賊劉狗由豫擄之歸

經毫欲汙之女忿罵不從一夜賦絕命詞四十章自縊死待旌

孝婦

國朝

朱氏貢生李廷學繼妻廷學前妻戴生子長生翁鍾愛之撫

育如己出以慰舅志常以不及事姑爲恨懸像朝夕奉之廷

學入都應試值翁病篤氏割股治糜以進遂愈氏因患羸生

子長桂彌月而卒後長桂得中武舉建孝婦祠雍正八年旌

王氏生員高天賜妻在室時值母病禱於北辰願以身代母

旋愈及嫁事舅姑如事母後天賜以歲試如鳳陽姑病氏奉

湯藥衣不解帶七十餘日時值隆多大雪姑思食筭氏念不

可得因禱於雪中數日園竹生四芽烹以進姑鄰里咸異之

及天賜歸而母已愈矣知州儒學俱旌以匾額曰百行首推
壺中模楷

李氏張大鵬妻生於康熙十二年二月年百有一歲秉姿仁
孝賦性幽貞奉親相夫稱於里黨撫弟之遺媳遺孫教養如
一訓稚孫不拾遺錢尤得養正之意乾隆三十七年知州鄭
爲請旌表三十八年給銀建坊匾曰貞壽之門

燕氏從九楊奎南妻姑病篤顛神請代神示夢曰人肉可愈
氏遂割股以進道光四年知州任壽世以至性猶存四字獎
之道光

孫氏庠生張國用妻夫亡守節割股療姑同治

張氏譚超武妻光緒

顏氏監生崔嘯妻事姑以孝聞相夫以順稱僕婢有過必引
爲已咎壽七十二卒鄉里稱賢知州蘇旌以壺儀不泯學正
吳旌以坤儀足式

于氏儒家于化龍之女賦質厚重性更婉淑歸於崔舅姑許
之日孝婦喪祭克相夫子習勤守儉家門整肅無敢偷惰無
敢詬諍者舉丈夫子五皆循檢束能世其業孫曾三十餘人
進學貢成均者日起其子婦亦皆能秉其敦厚雍睦之教以
康熙二年生以乾隆三十六年卒壽百有八歲學政劉以儒
門燕喜旌之

孫氏支恕修妻孫士英女性孝謹知大義以長房夫弟絕嗣氏曰大宗不可絕也命長孫繼之孫死復以次孫繼之人聞之咸高其義乾隆五十八年學使吳旌其門曰孝竹冬榮修氏州同韓世繡妻歸韓時夫之嫡母早卒事繼姑以孝聞析產時世繡盡以腴田及安宅讓與異母弟世勳及世繡卒後氏事奉繼姑猶夫在時後世勳家產蕩盡繼姑養膳時缺氏聞之歎曰爲人子婦令其親缺養於心安乎因迎與同居奉養備至歿後衣衾棺槨及殯葬禮儀諸皆從豐不以累世勳見者咸歎其賢後世勳貧益甚氏常以衣食周之氏卒後子吳猶遵母訓

孫氏高碩膚妻孫景元女姦翁患病氏侍奉湯藥衣不解帶八十餘日而病益篤氏乃涕泣籲天願以身代暗割股和藥以進翁昏憤之中忽聞異香滿室服之不三日而病愈知州蘇公灝義其事以孝以相夫四字旌之訓子有方故其子蘊早游庠有學行孫寰宇亦庠生曾孫位且食餼焉卒年八十餘

李氏廩生馬兆瑞妻夏邑廩生李式玉女尙書李奔疇堂女弟年二十八歲兆瑞繼娶爲妻事孀姑孫氏至孝姑病私禱神前割股和藥以進姑聞藥有異香服之立愈創亦旋合若有神佑越數載姑年老病歿氏亦以哀毀成疾數月遂卒子

桂生州庠生在志以上待旌

申氏張瑾妻奉姑避賊殺姑氏以身衛因遇害

李氏張雅言妻夫亡守志割股療翁

譚氏楊廷讓妻割股奉姑姑病愈

王氏樊世富妻姑病割股翁病亦如之

李氏劉敬典妻割股療翁遂愈

杜氏王維天妻翁病割股以進病遂愈

周氏王瑞貞妻夫亡守志割股療姑

周氏孫光勤妻光勤幼失怙恃依叔祖成立氏于歸後事姑之禮事叔祖姑叔祖姑病氏焚香虔禱願益以已壽而病不

少減密封股和藥以進病頓愈家人異之越數載見其創始

恍然焉

某氏蔣廣初妻翁姑歿刻木像朝夕虔奉之如事生之禮有

古人丁蘭之風

鞏氏李承彥妻 劉氏李志珂妻

張氏石大林妻 石氏張茂禮妻

董氏梁德潤妻割股療姑 萬氏縑鶴鳴妻割股療姑

張氏趙允恭妻割股療姑 劉氏侯其濬妻割股療翁

傅氏董天機妻年十九歸天機事舅姑以孝聞姑病篤氏割股以進越日而愈分巡道寶知州徐皆給匾額以旌其門

張氏文童王麟書妻麟書守城殉難氏自縊救姑病割股以進

郭氏梁福兆妻夫病割股夫亡守節事姑曲盡其孝

周氏干總劉金榜妻翁病割股療之遂愈以上

孝女

國朝

王氏張志德妻善事繼母母老無子愛氏彌篤而氏之孝亦倍至于歸後每旬餘輒請命於姑往省其母母貧且病氏面時有淚痕娣姒得其情代稟姑姑憐之遂迎養其母母死喪盡哀祭盡誠氏固孝也姑家亦篤姻誼焉人兩賢之

陳氏女名彥姐武生陳瑞貞女端莊貞靜兼工鍼黹二歲喪母無兄弟依祖母王氏成人奉事祖母曲盡孝道恪守閨訓足不出戶庭年十八尙未字祖母歿惟依父爲命其父感染時疫病漸亟呼女至榻前撫其臂而囑之曰汝旣無室家可

歸我家貧又無人可依我死汝惟一死我始瞑目我非忍也此中有難與汝明言者女此時方冀父病可愈亦無所言惟強壯精神侍奉湯藥目不交睫二十餘晝夜其父病竟不起女乃鬻簪鑽典衣服本無重值粗具棺殮痛哭一日夜不絕聲黎明仰藥死人咸哀而惜之

王氏李本性妻母病割股爲羹進之獲痊

朱氏趙占鼈妻幼失恃叔母撫育之少長叔母病篤割股以進病遂痊

賢婦

國朝

趙氏黃錫康之側室幼從嫁入侍性極溫柔上下無不憐愛之及錫康納爲側室事夫以順事嫡以禮氏年三十四歲生一子甫數月適正室亦生子永寅四十七日而正室卒氏悲哀欲絕因念其夫半生只有此子慨然以撫遺自任遂棄其所生之子不育而以己乳哺其嫡子今永寅已屹然能自樹立所以克延夫嗣者皆氏之力也聞者無不咸稱其賢氏現年七十一歲

劉氏郭興義妻十九歲于歸孝事翁姑相夫教子備極賢能

興義年老臥病委頓不治氏默禱神明暗割股和藥以進病遂痊道光三年知州任壽世聞其事歎曰此忠報所天者也以婦德克全四字旌之

李氏監生閆鵬萬妻增生李玉振次女于歸後相敬如賓嘉慶九年九月二日因夫病危翁姑涕泗悲慘幾絕氏乃默禱神明割左股和藥以進夫病遂愈道光五年知州任壽世以義昭閭內四字旌之

賈氏高鳳集妻夫病篤氏焚祝願以身代暗割股和藥以進病遂愈

陳氏汪時發繼妻秉性柔順外祖母老而寡且失明依其父

以居氏奉侍極誠姨母歎曰女甥如是吾媿爲女矣事兄嫂和且敬任家事不少及於嫂嫂多子代撫其長子更氏歸汪年餘嫂與更言及之猶涔涔淚下也氏翁姑早歿事叔舅姑倍勤謹察所欲典質衣物必市以進叔舅卒家益貧氏夫從弟時芳趣析產不獲已罄其所有與之留叔姑奉之叔姑謂其貧從子去未幾叔姑患癱病氏仍奉之歸卒子婦事之終其身無稍怠者前室子興祥事氏亦篤人以爲孝思之報云江氏湯照祉妻照祉本旌德縣人賈於亳氏歸焉常以道遠家貧不得事姑爲憾歲輒作衣物數事寄奉姑遇同鄉則問姑安否安則喜否則悒悒累日後稍裕亟擬歸省而照祉故

三子俱幼遂葬於亳姑訃至氏哀戚甚卒不獲歸然營葬資皆氏所辦也性好施予親族困乏悉力周之如是以爲常卒年七十有三 馳封安人子鎮圻籍亳州孫永鏡以歲貢舉孝廉方正加同知銜傑由拔貢官河南州判加布經歷銜曾孫眾多入庠食餼者二人

程氏陳萬瞻妻幼嫻姆訓于歸後事翁姑如父母親操井臼以勤儉聞凡親族之貧者貸之不少惜捨亂時避難鹿邑見犛獨無告者輒飲食之或助以資嘗曰但得鬼神憐我如我之憐人使我子孫保全區區者何足計壽至九十歲

孟氏譚文瑤妻夫病篤割股和藥以進病遂愈

劉氏孫之女母也幼貞靜識大義及歸孫氏生五子早寡家貧菽水奉親義方教子一時有孝子賢母之稱咸豐六年張逆圍亳數日城中糧盡兵孤危在旦夕氏命之友出退賊之友守城不遽戰氏怒卽置炮藥庭中呼之友曰汝受 國恩不思捐軀報稱猶欲從賊耶果爾我全家皆死誓不與汝同臭遂欲火葯自焚之友稽首乞免卽日出城血戰大破賊衆城賴以保氏怒乃解其成子功報國恩保閭閻著旂常之績人皆賢之

壽婦

國朝

單張氏百有一歲雍正元年旌

張氏一百歲乾隆三十七年旌

崔于氏百有八歲

吳氏監生王沅妻九十一歲

李氏張大鵬妻百有一歲

郭氏李家申妻九十五歲

許氏趙同助妻九十五歲

王氏鄭全綱妻九十一歲

徐氏任樹棠妻九十八歲五世同堂

張氏從九胡泰寅妻九十六歲

楊氏從九張建安妻九十一歲

閻氏謝承德妻現年九十三歲

鄧氏封贈建威將軍蔣元一繼妻光緒九年氏年九十蒙

恩賞福壽字各一方

范氏沈克禮妻九十歲

李氏穆仲金妻九十八歲

李氏慕仲金妻九十九歲

口氏穆敬修伯母九十二歲

魏氏任興文妻現年九十一歲

鄭氏姚五寅妻監生鄭子悟之女現年九十二歲

亳州志卷十六



亳州志卷十六

封授正二品花翎四品銜升缺用亳州知州會稽宗能徵纂修

藝文志 著述

道德經二卷 周老聃撰 ○薛西原集解注云老子書凡上下

云吳幼清曰按道德經云者各以篇首一字名篇後人因

合二篇之名而稱爲道德經非以道德二字名其書也任志

按史記老子居周久之見周之衰乃遂去至闕關令尹喜曰

子將隱矣疆爲我著書于是老子乃著上下篇言道德之意

然則今書分上下二篇者乃其書之舊而篇題曰經者蓋後

人尊之之辭也漢書藝文志古之解老子者有老子隣氏經

傳老子傳氏經說老子徐氏經說是在漢代已稱爲經然三

老子原道經一卷

中經一卷

亳州志

卷十六

藝文志

著述

一

神仙懸藏經一卷

服氣胎息訣一卷

出塞記一卷

金書內序一卷上俱託名老子通志云按道家言變而為神仙丹藥鍊氣符籙愈流愈偽原道經以下唐

志有之而宋志列其目今存尚辨之

遯甲訣一卷

遯甲文一卷上見隋志伍員撰

內事五卷

赤囊書一卷

藥方一卷

觀形察色並三部脈經一卷

枕中灸刺經一卷

老子五禽六氣訣一卷上俱漢華佗撰○鄭志尚載有醫方十卷按隋志云佗弟子廣陵吳晉所

撰故不錄

曹氏灸方七卷

夏侯氏藥方七卷通志云二書俱譙人撰名逸

武帝集二十卷隋志作二十六卷

新撰十卷

兵書捷要十卷

續孫子兵法一卷

逸集十卷

露布文九卷

孫子注三卷

兵法二卷

兵法接畧三卷

兵書畧要九卷

太公陰謀解三卷

軍令八卷

尉繚子兵書一卷按書目疑有脫字

羣臣表伐吳策一卷

諸州策四卷上俱魏武帝撰

皇覽一百二十卷在志作一百卷按文帝紀云帝好文學以著述為務自所勒成垂百篇又使諸儒撰

集經傳隨類相從凡數千篇號曰皇覽

文集十卷通志作二十三卷

兵書畧要十卷

皇博經一卷

大小博經二卷

士操一卷

典論五卷

行棋戲法二卷

海內士品錄二卷

列異傳三卷上俱文帝撰

海內先賢傳四卷

集四卷上俱明帝撰

春秋左氏傳音三卷

集四卷上俱高貴鄉公撰

陳思王集五十卷

烈女傳頌一卷

殿閣畫讚五十卷

皇帝寶藏經三卷

括明經一卷

悟迷經一卷

曹氏黃帝式經三十六用一卷

元女式經要訣一卷上俱曹植撰○按本傳景初中詔曰陳

後所著賦頌詩銘雜論凡百餘篇副藏內外謹按

四庫書目云凡賦四十四篇詩七十四篇雜文九十三篇目錄後有嘉定六年癸酉字蓋卽文獻通考所載十卷本也其

中善哉行誤收古詞七哀詩不收本詞而收晉樂所奏玉臺新詠所載棄婦篇藝文類聚所載回文鏡銘坦齋通篇所載

王宋詩均未入亦不免有舛漏

中領軍集五卷曹義撰

夏侯太常集三卷夏侯元撰

征北將軍集二卷夏侯霸撰

樂安太守集二卷夏侯惠撰

左氏傳音三卷

聖賢高士傳三卷

養生論三卷

嵇中散集十卷上俱嵇康撰謹按

四庫書目云晉書為康立傳舊本因題曰晉者謬也其集散佚至宋僅存十卷此本為明黃省曾所編雖卷數與宋本同

然王林野客叢書稱康詩六十八首此本僅四十二首合雜文共六十二首則又多所散佚矣

六代論一篇曹罔撰

曹散騎集二卷晉曹志撰

文集十五卷

曹氏家傳一卷

論語釋一卷

續蘭香歌十篇上俱曹罔撰

夏侯散騎集十卷

新論十卷上俱夏侯湛撰

四聲韻畧十三卷

漢書音二卷上俱夏侯詠撰

老子音一卷

竹林七賢論二卷

戴徵士集九卷

五經大義三卷

纂要一卷上俱戴
述撰

嵇侍中集二卷撰
紹

弋陽集二卷夏侯
淳撰

左傳音四卷

禮記音二卷上俱曹
耽撰

曹征南司馬集三卷曹據
撰

晉紀十卷曹嘉
之撰

月令章句十二卷

禮記中庸傳一卷

禮記中庸篇一卷

逍遙論一卷舊志誤作戴述撰今
改正上俱宋戴顒撰

三統五德論二卷

論語釋十卷

孝經注一卷上俱齊曹
思文撰

字義音訓六卷

古今字苑十卷上俱梁曹
侯彥撰

禮論六十卷舊志作十卷
唐李敬元撰

文肅全集十卷

追昔游集三卷

批答一卷上俱李紳撰謹按

四庫書目云是集述其早年閱歷凡一百一首新唐書本傳頗採用之其詩皆音節擘緩不能與同時諸人角勝然春容雅其格究在晚唐之上

十代興王論十卷朱敬則撰

三禮通義五卷

春秋指微十卷

國語音義一卷

詩集注十卷上俱宋魯有開撰

嬰甯集二卷鄭志作嬰劉志華志任志皆作櫻未知孰是金劉瞻撰

太極一貫解明李淮撰

五經雜錄五卷通志作日錄

莊子注卷數佚

老子集解二卷祥符高叔嗣序曰毫老子所產也初老子著書言天道元虛自漢以下莫能邈其本旨咸

窺見一偏說繇此起故其書曰離州人薛考功先生始覃思大道之原究意天人之旨一折衷羣言合于架度老子之道則

燦然大明書成嘉靖九年歲在庚寅之次序曰大道之歸一

致而百慮聖人之旨同情而異言昔仲尼之門罕言天道是

以後世無得聞焉然周易乾爻配象六龍始於勿用終於窮

厄不以吉凶台人用九羣龍无首則吉而仲尼贊之曰用九

也此與老子何異故稱吾見老子其猶龍乎夫學者獨患不知天人之不一則其議聖人者陋矣自古言仁義禮樂有過于老子者乎然而非不知人也願聖人示人有不同其所過于孔子者乎然而非不知人也願聖人示人有不同其所言者學者之所信也所不言者學者之所疑也故世之學老

子者則知天而不知人者近于德奈何以此議聖人而不知天者近于愚
生之道夫聖人之道內之以養其身則壽而康外之以理乎
物則順而治聖王之事同條共貫豈有他哉作者既皆已沒
老子集解絕所謂其人與骨皆已朽者神而明之存乎人薛氏
為老子集解其後屢有修政丙申之冬復加刪定自謂有補
於道德之萬分乃自序之昔老子有言吾言甚易知天下莫
能知周之衰先聖之道未絕賢人君子猶有為性命之學者
是天下之遵老子而老子之言世猶莫能知也况至於後世
道術數傳數變學者舍本圖末毀所不見且詆訾老子為異
端則其筆之于書者天下益莫能知矣間有高明好古之士
澹泊道學之徒為能有味于其言然非研精覃思亦安能自
知其性以真知老子之言哉始予早歲嗜神仙長生之術凡
神仙家無不觀也晚讀老子而好之當是時予方嚮嚮聖人
之道致思性命之理蓋久之而若有得考諸老子無異也乃
知昔之所嗜第方上之小術而非性命之學也復知老子之
道惟導人反其天性而非異端之流也夫性命者道也天下
之一本也生民同得之非異物也聖人同傳之非異術也迷
其所同得故異見失其所同傳故異說是則同乎此者謂之

同異乎此者謂之異予見後人之異矣未見老子之異也今
夫老子之異蓋皆性命之說多出上古之遺言故古者叙
六家而謂之道家後世顧謂之異端矣道者修之身以及天
下天下之事無不統也後世直以道家為養生耳皆予所未
喻也予又竊怪夫方士之言養生者往往穿鑿于性命之外
不知長生之道不越乎養生性世儒率言知性知天而斥小養
生不知養其性者即同乎天道而不亡此其不聞性命之實
不合聖人之道者耶傳曰禮失求之野聖人之道不明于世
久矣學者求道而未得此老子于野而求之何不可者况老
子古之史官孔子之所嚴事豈野之比而已乎然老子之書
學者恒病其難讀蓋其詞約其道大所謂測之而益深窮之
而益遠者也古註之亡者其善否則不可知今之傳于世者
未有明老子之言者也予為此解其間文義之小者儻有未
盡若夫揚摧本指發揮大義明聖人之微言究性命之極致
竊以為近之矣有求老子之道者必以予言為指南乎老子
曰自矜者不長又曰知我者希則我貴矣其言非以相友各
有所當也予之不遜亦冀世之君子無聽我藐藐庶幾為人道之一助云

老子考異一卷 附集解後○貢生梁峯序曰古今書多異同

侯焦氏綜藏道藏六十餘家以為言與吾鄉薛君若君采公定本先後行世余友孫君聖若博古士也一日時老子集解謂余曰此薛公所註僅存繕藁一卷其下魚魯舛訛闕誤頗多而未遑白門郭啟東先生曩蒙其解閱而嘉之曰此誠不可以不新也癸酉春檢遺藁稽羣書互相考證得山陽郭氏本至詳且悉附有考異一編乃其藍本薛焦二編而增益者啟東曰有此編薛公之書可全璧矣余不揣就管見而裁之仍附於卷末其有補釋遺藁闕誤者雖詳註書額而究不欲攙其原文俾好古者攬集解之為集解并以識薛公百餘年後羣書異同又滋甚焉藁成質諸聖若聖若撫卷欣然爰其參校編訂而成書乾隆癸酉歲夏六月

西原集十卷

四庫館作考 功集謹按

四庫書目評云蕙名列七子之中而古體上挹晉宋近體旁涉錢郎取徑近于信陽而稍遠于北地其戲成五絕句有曰後逸終憐何大復祖豪不解李空同軒輊之意顯然也○晉江何喬遠序曰儒者之學動關佛老西原薛先生曰天下之理本同未異二氏之學並本無私苟無私心異妄從出儒者之門各著宗旨西原薛先生曰未發之中一言盡之矣夫學

者於聖人之道苟非實有所見必不敢獨創為論不避訾詆苟非實有所得必不能獨探大原推本性初西原先生以仲尼佛老並列為聖寔有所見也推本性初獨探其原也先生少壯登朝筮仕西曹則諫武廟南巡既調右曹則諍世廟大禮坐下獄既復官竟為張桂諸公所不擇屢薦不起而竟終焉自其少年遊意交辭之業材藉駁選步趨顏謝既而棄之而修養生既又棄之而究佛老既又棄之而大窺聖賢之道其學之博及于醫卜祿命金丹之術無所不講其論之精則有約言老子解五經雜說諸書蓋其學繇博以入約從文而修行人但見先生早歲之詩有名於時稱為國朝才子而不

經也有諸子而紛遭秦火而劫漢儒收煨燼之餘於坎窞古
壁之間以詔來世專門墨守未暇環攻故尊經爲正統而列
諸子於附庸自西方之教入諸子外復標一幟矣簡冊浩繁
倍屢吾儒若乘秦火而補其闕者然羅什翻譯貝文亦注老
子慧識旁幾於合契而晉書列於藝術則爾時超超清言岷
莊老之餘譚固未嘗涉釋氏之涯也至宋而道學儒林文苑
分列爲三而所最崇信者莫若程子伊川先生博綜羣書出
入於老釋者幾十年而後反求於六經其學以無思爲體而
教人觀未發氣象而未揚其波也而二蘇氏倔強其間所爲文及
者固涉其漆而未揚其波也而二蘇氏倔強其間所爲文及
詮解皆取裁於經史子而游戲於禪乘據氏曰道形而上器
形而下孔子之爲人也周故示人以器而晦其道使達者有
見而未達者不眩老子之自爲也深故示人以道而畧其器
使達者易入而不恤其未達至釋氏又老氏之眇也而道一
以貫之又言劉向論列子書穆王湯問迂恠恢詭今觀其語
固後世仙佛之常言理之當然而漢之儒者未聞言耳則幾
浸淫其中矣此古來理學之大凡也知此可尙論西原先生
矣先生生而能言長而勤學始求聖人之心於五經雜說既
而習養生家言作者子解晚得瞿曇氏書默契慧寂之說卽
吾儒未發之中遂與孔子合而爲一曰二氏之道皆主無私

心苟無私異安從出學者或疑其言而不信以今諦觀之直
抉性原實本河南而彼之所排此之所納微旨稍異混同三
教有似眉山而彼得之文章此得之冥契實際亦殊故其生
平於濂洛諸儒多所辨証而姑舍二蘇王文成與先生同時
倡明良知之學或謂也從葱嶺過來而先生等之白沙猶有
軒軒則其深造自得固非淺學所得窺也愚謂道猶天然天
渾渾耳然其可見者日月星辰四時萬物而已任人以
管窺以尺量以儀測皆可得其常然其所不可見者仍渾渾
默默耳此有無空色之所繇起也言其所可見則人信言其
不可見則人疑疑與信果未可以盡道也吾何以窺先生哉
先生初第時好矯矯雲外矣及諫武廟南巡受杖大禮議起撰
謝不往固已矯矯雲外矣及諫武廟南巡受杖大禮議起撰
爲人後解爲人後辨奏入下獄其後旋起旋罷爲時貴人所
側目處之晏如日坐一小齋讀書談道絕不以竿牘通有司
少喜爲詩取法六朝盛唐而時出之最號工細晚棄不爲卽
爲之亦不較工拙今所刻其少作也歲久漫漶先生世孫大
年公來憲吾浙復哀集其遺文合刻之而問序於余余昔在
政地公司新鑲虜正充斥而轉輸不乏業已才之今視浙水
弊絕政舉而清操朗議如光風霽月見者謂淵源家學所自
來也因憶吾鄉青湖汪先生諫南巡廷杖議大禮被廢與西

原先生固不同至今榜其居曰清風里而子孫微弱莫能顯揚
信哉人固不可無後也先生所著尚有考功遺書五經雜說
大甯齋日記數十卷其稿爲友人索去未及梓行○沔陽大
理寺卿陳文燭序曰考功集者亳州薛西原先生著也先生
有子道行與余交驩長安二十年後遣其孫鳳翔問序於金
陵往先方伯談藝時及君采與李川甫謂兩先生起河洛繼
李何之後明興詩篇才清之美無過季迪聲氣之雄次及伯
溫當是時孟戴景文子高輩實爲之羽翼而談者尙以元習
短之謂辭微於宋所乏老蒼格不及唐僅窺晚季耳及宏德
之際李獻吉起北地何仲默起信陽邊廷寔起濟南李川甫
起大梁而三先生起亳州海內稱李何邊薛夫李宗杜陵何宗
太白而三先生宗盛唐掃叔季之風窺正始之途天地再闢
日月爲朗不亦警乎大哉先生常言古今談詩之難非詩之
難而才與學之難也才本乎天學繫於人非其才雖學之不
近也有其才矣非篤於學亦不能盡其才也明詩復古雖數
君子振之而才有高下學有疎密未有窮其學之所至竭其
才之所能者也先生天才後逸博極羣書其詩善學古人而
取法乎上擬古比於江文通游仙類於郭景純歌行近體則
嘉州蘇州隨州襄陽時而出之卽有明諸家未有如先生之
律細而工者書記之文根本六經直寫胸臆不煩繩削而矩

度自合又言楊雄文簡而用寡勸百而風一倦倦於簡而文
質而不俚報王子衡崔子鍾書可知也先生才高而學至者
乎先生憫學者漓於多歧作約言學執言詮以求道作五
儒泥象於有無之內而不知無爲之爲有爲也作老子解讀
瞿曇氏書得靈靜慧寂之說不逆於心已而證之濂洛諸說
至中庸喜怒哀樂未發之謂中曰是矣是矣故其學一以復
性爲鵠以慎獨爲括以喜怒哀樂未發爲奧以能知未發而
至之爲窅收斂耳目澄慮默照信心而後著書唐應德銘先
生之墓嘆心學之失已久矣有倡爲本心之說象講然老佛
而詆之矣學者避老佛之形而畏其景雖精微之論出於古
聖賢者且惑而不敢信矣先生直援世儒之所最詆者以自
信而不惑其特立者歟唐子可謂知先生之深者不佞竊謂
遠矣先生之解懸諸日月與老氏並存天壤此不刊之書也
世何得以文人概先生哉先生名蕙字君采號西原別號大
甯居士有大甯齋日記十卷藏於家○南苑王廷序曰始余
家食時嘗聞西原薛先生博綜典籍綴續藝文聿追古昔爲
詞林宗匠及游京邑先生先己罷歸求得西原集讀之亟早
年之作也古雅典則冲淡簡遠駉駉入漢魏矣然但知先生

為詩人耳後余以御史謫荆亳州先生之鄉也於時先生賁跡邱園潛心性命精詣遠養迥超物外在毫几一年餘率問日一會會率竟日乃罷相與討論藝業諮叩道蘊評騭古今商求政事而先生才性高邁識鑒洞朗言未嘗不竭兩端亦未嘗不令人遽然覺惕然省也而行履之純充養之粹取子之介出處之正有確不可拔者豈但為詩人已邪余聞先生往與故相以文字交厚及故相入為輔弼勢張甚猶數移書訪問先生竟弗答也其刻西原集者乃併平日所作贈貽詩刪焉嗚呼世之文士往往挈其所長結好當路或矧方為員抵隙求通不遂則瑣瑣然不自得者何限而先生顧漠然視之若將浼己者此其意豈惟今人難之雖古之以文學名世如子雲投閣之辱子厚叔文之黨而委身蔡京中立亦不免焉觀此則先生之所養可知矣余為蘇州時嘗托衡山文子詮擇先生詩文為考功集四卷行於世余猶收藏遺書一卷至維揚因出與友人艾陵沈子商之艾陵以為不可無傳也因屬較正且付之梓使世之求知先生者不可以淺淺窺也嘉靖癸亥十二月○附原較姓氏何景明李夢陽孫一元鄭善夫王廷陳顧璘孟洋邊貢王廷相高叔嗣馬理文徵明唐順之孔天允黃省曾李攀龍王世貞汪道昆徐中行屠隆余寅李維楨焦竑湯顯祖虞澹熙黃汝亨何喬遠周羔○重較

姓氏鄭三後程註呂維祺侯恂侯恪吳牲洪瞻祖解學龍王思任姚永濟方震孺文震孟陳仁錫倪元璐陳盟蔣德璟方逢年王鐸徐時泰倪嘉善夏曰瑚張國維朱又煥許世蓋宋權馬如蛟吳道昌喬可聘吳從周田用坤金光宸王三德張元佐王抒陳觀陽丁啟睿徐日曦胡守恒李清方士亮鄧汝舟高登瀛馬光國彭堯俞柴世基劉擇○參訂姓氏張元徵顧懋燮聞啟祥司兆斗錢震龍劉士鏘龔五謙張壙洪吉臣黃樞陸運昌朱天璧張埏

大甯齋日錄五卷

約言

卷數

西原遺書二卷

薛蕙撰

懶園遺稿六卷

王賓治撰○江寧顧起元序曰昔范蔚宗有言也蓋閱夫士之不得志於時有激而云然者也夫士患無

琬炎可懷耳懷矣何不可知於時有阮籍有言布衣章帶之山林各得其性子牟不必以江湖而馳魏闕之思幼喪不必

以邱壑而闕廟廊之慮自適其適而已矣矧萬卷坐擁夫百城一室尚友乎千古青藜之光可引白雪之唱不孤焉往不得吾琬爰者乃妄自菲薄而以不可支自局也蔚宗之言毋乃劉昭所云思雜風塵未窮至理斯言之玷遂至此乎蘇洵謂王公大人求一言之幾乎道不可得高自矜詡謂其文合古人之優柔清深溫醞雄剛簡切者兼而有之以爲天之與我非偶然者可以芥千駟塵萬鍾而不顧詎其語者至引杜甫文章一小技於道未爲尊齒之大獨不見夫魏文帝之言乎文帝萬乘之主也其典論言年壽逸樂未若文章之無窮而思以經國大業不朽盛事捐志士之痛然則人之所謂懸日月而敵天壤者在彼乎在此乎士宜知所以自處矣乃有擅千秋之譽而矻矻營一日之娛操萬古之權而孽孽煤一官之利是不愛夏后氏之璜而竊蒼璧小璣以爲潤也豈不謬哉仁子王君亮之道義博聞君子也挾蓋代之才讀書萬卷掇其精華發而爲文章爲諸生時學博參源詹公軫光器重之謂仁子當拭目取高第去且以古文辭踵其鄉先輩西原薛先生知名當世乃屢試不售栖栖場屋間及以選貢對策大廷部擬授官爲合又不及隨牒領一邑而卒人謂仁子眞蔚宗所謂懷琬爰而就煨塵者余頃從其子文學得所著鱣圖稿讀之遠宗兩漢近法三唐中出入於三國六朝庀材

博而操律嚴抽思精而遣辭當其高潔則如古柏參天孤松映雪其秀發則如曉風揚柳初日芙蓉其俊快則如蒼鷲摩天羣鴻戲海其富艷則如五陵裘馬南路衣冠所爲譽千秋而權萬古者固已卓然成一家言異夫世之立植索途寄人籬下者矣夫仁子實懷此而難於遇牢騷不平之感時亦有之然而琬爰之在我者世莫得而損其價也管窺之榻可隱蔣詡之徑可開嵇康之鍛可遣劉伶之錡可荷安在其不可支而介介乎哉仁子之不朽信有在于此者因少爲論玄屬文學使版而行之公諸炙嗜高山流水之賞豈獨在余君家子猷所謂人琴俱亡不足爲仁子痛也鍾嶸詩品有言貞松之拔灌木珠玉之在泥沙愈有以自見余請以若言標仁子蔚宗之言徒短英雄之氣耳卽如太史公謂士之砥行立名者非附青雲焉能施於後世余猶以爲淺之乎待天下士者也文學博通詳雅善成先志視江左青箱之學有進焉者余又幸仁子之有子也因附著之崇禎戊辰秋月

牡丹史四卷

薛鳳翔撰焦玄袁中道作序今皆散佚

江上越吟一卷

孫養粹撰○自序曰憶庚辰秋晚旣望子衡戚歸里躬畚插登先人壝掃幽宮而封樹之

自分豐草長林百年守此一坏土耳亡何饑疫告凶里民日
碎農笠釣竿漸化為蜂蠶薑尾然而未大毒也迨壬午之夏
封狐長鯨噬臍陳宋而吾亭繼之食禍尤烈予親膏寇刃瀕
死不死一椽之宮化為飛烟百畝之田鞠為茂草矣越兩月
金疴稍痊攜家南避一葦白門脫病吻而葺鳩茗稍安枕焉
但客魂未定旅膽尚搖鼠口之糧弗舂牛衣之淚頻滴每當
淫雨粘窗荒燈射壁痛定思痛有感必哭有哭必吟三寸管
入手輒覺生死流離之悲感向隅泣壁之戚苦鳥驚獸駭山
飛水立之震搖冷及寒芒勁弓毒矢之鋒焮腥風血雨白骨
青燐之悽愴敗堵頽垣黃茅紫霧之荒寂歛歛拂拂從指喉
間出飛落紙上予亦不知清於何生抑於何底也未幾登姑
蘇之臺思先人之舊履泛駕水之舟倚故友之鳴佩借彼樂
郊受我游踪非不可以破愁城而銷病骨然故舊擲酒杯酒
話心不能奪我孤帆泊空冷月掛壁之愁香橙玉秭白酒紫
螯之供不能消我三舖炊塵八口放饑之夢每一念至驚魂
傷臆回首三山且下并州之淚况邱隴田廬茫不可問之家
國即詩成額曰江上越吟亦識余羈旅牢騷不忘故鄉之意
耳倚天惠澄江流我妖氛予將率童稚輩持杯漿澆墓前土
復折浪游之展矣

國朝

瑣說集二卷

實應王式丹序曰人生自少至老其為言百千

迂濶不適於用詞說雖繁求所謂言近旨遠以布帛菽粟緯
地經天者鮮矣南英吳子學攬天人才涵今古詠奇博雅冠
絕一時平居高談雄辨往往出入意表而又非徒逞談鋒無
俾理奧無與彝倫者每當偶有所得或縱譚快意輒書寸紙
於壁久之成帙自謂紛離雜錯流於鄙瑣祇供閒中自怡悅
云爾予讀之但見有時類莊列之奇恣有時闡朱程之奧義
有時卓識千古石破天驚有時妙解人情雲開日見有時搜
竒探異萬象紛布而斷以心裁有時考古訂今各溯源流而
指其迷謬既情理之悉協又非迂闊不適於用潛心玩索真
於布帛菽粟中具緯地經天之蘊古人謂不遇異人必讀異
書吳子兼之矣其他著述種種未遑登棗坊客先購此以行
聊綴數語於簡端與高人共忻賞焉康熙甲申長至前三日
吳越游覽圖咏一卷 睢陽劉坤序曰勝地非詩畫不傳詩畫
非有夙緣者不得一至於然而榜人牧豎固日涉層巖而逐
烟波擔販營商亦嘗歷名山而浮大瀆叩厥中藏奚有也是

必天地之奇與吾心之靈相觸相引而寓之手口之間然後山川景物分見於宇宙者時聚於高人達士之懷而並有其不朽故曰勝地非詩畫不傳雖然古之人如林逋之高吟太白之觴咏海嶽先生之墨陣離奇東坡居士之筆情澹遠皆高世絕俗而寄其曠致孤踪後人覽其吉光片羽猶徘徊想慕如不勝情否則筆墨雖工君子無取焉故曰詩畫非其人見之者每不禁朱霞天半白鶴雲中之慕迺者薄遊吳越文人游藝即景即圖即圖即咏意致灑灑蕭然塵外在南英未嘗於筆墨求工要其逸情勝致曠古遺今既能使造物不獨有其奇併以見文人慧業變化生心不徒作沾沾枯澁想也

以窺我南英哉琬炎之質列之圭璋俎豆而無不華也麟鳳之姿置之天池閬苑而罔弗官也以南英之人詎斤斤焉以詩畫爭長者彩筆咏梧鳳之章蘭亭繪冲人之壁吾將拭目望之矣○自序曰或有謂余曰子好遊乎余亟應曰否否士君子一日得行其志耳目心思每弗遑也遊云乎哉故夫人得從事於山巔水涯不得謂非人生之不幸也雖然名山勝地啟我良多憑高岡而志悟鳳俯幽谷而念猗蘭覽俗尚之貞淫調忠孝之往蹟非有夙因每難一邁余於西冷孤嶼夢

想多年嘗勒句云生前應存湖州約此日常懷石上綠嗜亦可謂情見乎辭矣但扁舟兩展至易至難阮孚之囊不免羞澁縱清風明月憐余諒余其如七尺幻泡無能飛渡何於是思之思之不得己而寄之畫又不得己而寄之詩私鑄小篆曰湖山知我如是者又十年既而幡然悟躍然喜曰誤矣天下惟聾聵者不可以視聽惟蹇蹇者不可以登陟惟冥頑不靈者不可以抒發其幽思而領會其旨趣天既假我以耳目手足又畀我以心思固居然能視能聽能登陟能抒發能領會之人也而顛自安於簞屨蹇蹇整頓不靈誰之過歟然意決志堅而卒不果行歲屆庚午山左千乘張夫子方令吳余蒙亟薦而未售一時知遇之感謁自平江方謂庚信江南款款未已忽幡然悟躍然喜曰湖山舊約其在斯乎於是幽巖異境獨往獨來遂買舟東下直抵西泠烟雨空山芒鞋灑水新晴南浦蠟屐展穿雲因而渡錢塘過山陰探禹穴平生夢想一旦成真其樂何似既又幡然悟躍然喜曰與其未見而寄之詩寄之畫豈當前而反漠漠乎且世之遊者未必畫畫者未必遊遊即遊矣畫矣歸坐芸牖懸空摹擬得其似未得其真奚取焉緣是松滋好時不假暫離每遇奇觀先擇危巖虛廠置身其上凝眸注視意曠神完然後即景揮毫不使遠近參差高低大小纖微未肖雖力弊神疲弗顧也且各紀其概繫

以短句雖鄙俚淺陋弗辭也快成持示二三同人已經者如

逢其故未見者恍遇其真則斯遊也非人生之幸要亦未可

謂之不幸矣獨是天下之大異地名區繫懷不少立而待之

不能追之又不得也山川有情其謂我何今而後或有謂余

曰十洲三島雪嶺雲濤實神往焉蓋共諸余又將幡然悟躍

然喜曰嘻子好遊乎吾與子遊康熙辛未五月

西江游覽圖咏一卷豫章熊飛渭序曰此年以中丞各憲作

洞主與西江諸士談經論古而外時瞻眺五峯泉壑間竊意

昔賢學攬性天原非斤斤焉於章句索言詮也平日心契象

先鳶飛魚躍左右逢源故發為論說自有月映萬川處處皆

圓之妙然而識此意者鮮矣長夏扇門課士忽南英吳子遠

涉匡廬枉駕謁余余驚怡久之學人日抱殘編窮年咕嗶安

所得逸情雅志肅傲湖山否則利藪名場又日不暇給何許

心期而超然塵壘耶及相晤傾蓋之際令人意致飛揚精神

灑滌再覽所著吳越圖咏一書摹繪既精品題復妙奇思異

想今古無傳不覺相視大呼曰子豈謝公蘇子三生再來耶

相與言懽者累日頻行又出一冊示余曰此匡廬遊覽圖咏

孤懷高寄未計工拙願乞一言為弁余平生未諳畫理但覺

摹擬神妙如化工肖物不爽錙銖兩雋思穎句又復石破天

驚夫世之為詩畫者多矣或規行矩步或冥鷺狂塗自非深

於太極西銘之學心契象先其能如此超然塵壘耶世之覽

者即以作性天元機也可即即以

龍津史談二卷自序曰史非傳信之書而傳疑之書也無論

者正復不少其間禮樂刑政忠孝節烈紛布燦陳不為審時

度勢畧跡原心豈通儒之見乎然自古及今論史者不啻百

家予何人斯而敢為喋喋哉曰不然知人論世各有深心不

妨因乎前人以為是非亦何妨反乎前人以伸予奪事在遠

昔者斷之以理或在晚近者度之以情世風日下江河莫挽

幾先之哲事後之悔或守經而失宜或達權而盡利逆作者

竟至順成善始者不必善終為法為戒取其一二事推而廣

之可以觀物理人情之變可以通心思耳目之窮可以明造

溫屏而照重淵也又何疑之莫釋信之未審哉貴賤窮達經

權常變操是術也以往其無所之矣獨愧幾幾一家之言非

垂世之書也故不敢附先賢史論史

斷之列而名之曰史談康熙戊午

藝文志 著述

鴻臚集一卷上俱國朝吳楚奇撰

等韻筌蹄一卷王士雍撰

北上吟一卷

柳巖集一卷上俱黃陞撰

孝經綱目卷數佚

烏吟集一卷上俱李長桂撰

剩筭詩抄十六卷知亳州事濼陽李廷儀序曰古太史陳詩其用甚大自朝廷郊廟以逮閨門里巷莫不有詩而作者之姓名往往不傳蓋有不能已於歌詠之故而後發焉三代而降始有以詩名者厥後詩與樂分去古益遠名愈盛實愈濟道也而淪於藝矣然其風土所操與其人之性情心術所近學問所至亦必有可觀者乾隆癸丑秋余始來承乏亳州竊念亳固古譙國郡曹氏父子及建安諸賢相與歌吟贈答者

或猶有遺風焉延訪久之未獲一觀豈古今人不相及與抑韜光匿采者之不求知於人與今年春偶得孫子元煌所著剩筭集讀之氣清而辭麗纏綿悱惻發於不自知其至性有過人者及觀所著滇遊日記一編乃知先生之父嘗為馬龍州廉吏也移疾不能歸先生貨資往迎跋涉萬里凡山川景物之異骨肉離合之情咸寓於詩厥後以孝養終隱居不仕日與兄弟朋友相倡和而於人事之是非得失亦三致意焉故其言近指遠情深文明有古風人之遺不可廢也迺擇其尤雅者百篇付之梓人藏之其家俾亳之人士觀感而興起庶幾於血氣和平風俗醇美或有賴焉抑先輩名流抑而未彰者其子若孫咸思各出其所藏以傳諸不朽尤余之所厚望也夫嘉慶二年六月○懷寧潘瑛序曰嘉慶二年春潘子萬居亳州署齊聞城南孫氏多藏書往觀焉主人名之媚醜篤士也揖客甚恭與之語甚懽迺盡觀其所藏書數百卷有馬思山員外刻本詩百餘篇哀艷奇譎似長吉思山名位武功人其書法與張得天司寇相伯仲僑寓茲土卒年二十九

余嘗愛其書知其欲訪其舊居而不得未聞其工詩也因把玩不能釋主人指其廳事之南壁謂余曰馬君之故廬去此咫尺耳今易殿主矣余聞而傷之益徘徊不能去主人感此意因出其手錄乃父元煌先生詩十六卷示余余受而讀

藝文志

十七

藝文志

之嘆曰此真詩也與馬君異曲同工皆可以不朽余客茲五年一日而得二詩人其樂如何乃亟攜其稿走告李石帆刺史刺史亦嘉之屬余選訂共得若干篇其卷數篇目悉仍其舊刺史序而刻之閱三月工竣歸板於孫氏使世守之所以顯微闡幽屬風俗而啟後人守土者之職也嗚乎馬君之詩刻於乾隆六年距今數十載已漸就漸滅其鉛槧無復存者余方欲為更刻之以廣其傳而有待也可哀哉孫氏固廉吏子孫能世其業而弗墜吾知其必將愛惜保護以垂於無窮也嘉慶丁巳六月

滇遊日記四卷上 俱孫元煌撰

半遠山房詩集一卷

吳灝撰○知亳州事李廷儀序曰吳君遠亭謙之獨行君子余神交久矣方余

宰皖城遠亭秉鐸太湖望江合肥諸邑德聲聞於士林未幾乃乞假而歸葺園亭蒔花竹以圖書自樂賓客之事不及也暨余蒞亳州閉閣却掃蓋已數年矣余由是益高其風余友張子竹軒潘子蘭如與遠亭素皆嗜學之士也遠亭以其所為詩相質其取友槩可仰矣夫謙古詩人之藪也流風遺韻豈無存者乃自蒞茲土以詩名者絕少今年春蘭如於孫氏

舊篋中得其先人剩篋集十六卷余讀而愛之亟為付梓茲見遠亭詩又美好若此且素與當世士大夫游則其詩宜何而久不傳以待於今抑又何耶嘉慶二年閏六月中浣○懷竊潘瑛序曰學詩猶學仙然苟非其人雖勞精苦思終其身不可得即得矣而神妙獨造之境偶一見之苟非其時雖搜天斡地而亦不可得蓋詩之難成而難精也如此瑛之業此三十餘年矣其於當世之以詩名者咸若不可及而心服者蓋少作詩數千首而自好者尤少洵乎其不可強也吳君遠亭謙之篤行士也嘗官廣文數年乞假歸足不出戶庭念謙無山水拓宅後廢地為園亭讀書課子孫植花竹自娛閒為吟咏不示人人亦無知者瑛客謙五年乃因凌君謙齋識先生先生不鄙棄乃數往來園林賦詩贈答遂得盡觀其所作古今體二百餘篇大抵皆冲和閒雅不務為苟難而倚然塵外之致有不可抗者余嘗歷思所謙天下詩人其聰明才力之大學業之富著作之美且多者指不勝屈而熙怡恬澹尚志節篤氣誼不妄與人交如吾遠亭蓋罕其儷矣後之誦者可以相見其為人

嘉慶二年閏六月

金石

議郎元賓碑延熹二年立碑本無額石亦殘缺不見其姓名元賓蓋其字也

漢故幽州刺史朱君之碑中平二年立朱龜字伯靈碑陰刊薊涿及上谷北平故吏姓名歐陽公守亭時曾徙其碑置州

學中今失按隸釋云漢幽州刺史朱君之碑有陰在亳州朱君名龜石有碎落不能詳其官闕其可考者當以御史中丞督捕益州蠻又為幽州刺史禦鮮卑爾靈帝光和六年卒後漢西南夷傳蜀郡都夷反執太守雍陟遣御史中丞朱龜討之不能剋李禹發板楯蠻牛之碑所載與傳合

漢故中常侍長樂太僕特進費亭侯曹君之碑延禧三年立

曹嵩家前碑

法駕設天官之列衛乘金華之鸞輅達升龍於大常張天狼
之威弧千乘風舉萬騎龍驤威靈之飾震耀康衢既登高壇
蔭九層之華蓋處流蘇之帳坐陳旅酌之高會行無算之酣
飲旨酒波流香烝陵積營師設縣金奏讚樂六變既畢乃陳
秘戲巴渝九劍奇舞麗倒衝夾踰鋒上南踰高舂鼎綠撞舞
輪擿鏡騁狗逐兔戲馬立騎之妙技白虎青鹿辟非辟邪魚
龍靈龜國鎮之怪獸變屈出異巧神化自鄉校將守以下
下及陪臺隸圍莫不歆淫晏喜咸懷醉飽雖夏啟鈞臺之饗
周成岐陽之蒐高祖邑中之會光武舊里之宴何以尚茲是
以刊石立銘光示來葉其辭曰赫王師征南裔奮靈威震天
外吳夷薈蜀虜窟區夏清八荒又幸舊邦設高
會皇德洽洪恩邁刊金石光萬世魏曹植撰

晉故使持節散騎常侍都督揚州江州諸軍事安東大將軍

譙定王河內溫司馬公墓之神道碑晉永嘉三年立晉譙定王墓碑

下豫州刺史修老子廟詔碑黃初二年立集古錄作太清東

闕題名

靈津渡碑宋陳堯叟撰以上碑皆久失

唐佛頂尊勝陀羅尼經幢在城西護國禪院幢八面每面高五尺寬六寸七

面皆書經文一面分二行大書佛頂尊勝陀羅尼經幢下小字註云宣武軍亳州南護國禪院立尊勝陀羅尼幢記自乾

符二年草賊王仙芝尙君長黃巢等結聚羣兇煞戮萬姓其知其數突入京國後却返淮陽北下寨約百萬餘眾討伐州

縣燒劫鄉閭圍遶當郡賴我當使司空當州尙書口口口兵召口口勇符尅口口口其口口大敗星散諸處例皆斬首獻上天

廷使萬姓再護口口骨肉團圓重啟生涯悉皆樂業軍人百姓等遂各捨資帛共造佛頂尊勝陀羅尼幢一所上各聖恩

用資榮福時中和四年歲次甲辰十一月六日建施主具列如後團練副使銀青光祿大夫檢校右散騎常侍右監門衛

將軍兼御史大夫上柱國李茂彰節度押衙充馬步都虞候銀青光祿大夫檢校國子祭酒兼御史大夫上柱國謝設

節度散兵馬使團練押衙充順天高貴兩都都知兵馬使銀青光祿大夫檢校國子祭酒兼御史大夫上柱國郭口

節度散兵馬口亳州遊口都知兵馬使銀青光祿大夫檢校太子賓客兼御史大夫上柱國孟從益節度衙前散兵馬

使充押衙管將銀青光祿大夫檢校國子祭酒兼御史大夫
上柱國陳全節度口口馬使團練押衙管將充都教練
使銀青光祿大夫檢校太子賓客兼御史大夫上柱國張口
節度兵馬使充團練押衙管將銀青光祿大夫檢校太子
賓客兼御史中丞上柱國李仁邵節度散兵馬使團練押
衙充防遏都銀青光祿大夫檢校太子賓客兼御史中丞孫
從遠節度散兵馬使充團練押衙管將銀青光祿大夫檢
校太子賓客兼侍御史上國柱楊口口同節度副使充押
衙管樂營將銀青光祿大夫檢校太子賓客兼殿中侍御史
上柱國口口口口押衙管將兼殿中侍御史陳實都口口
陳存 維那焦宇 兵馬使魏同 沈良 陳軌 口宗
丁慶 劉維忠 口口廿一娘 王忠口 衛度 朱遷
口存 魏口張

宋佛頂尊勝陀羅尼經二幢在咸平寺幢八面每面高四尺寬五寸七分皆書經

文其一面分二行大書佛頂尊勝陀羅尼經幢下小字皆漫漶惟乾德元年癸亥三月十八日鄉貢進士黃麟撰郎邪王懷書二十餘字尚可辨識

元張宏畧手書碑在城東北隅關帝廟碑高一丈寬五尺厚一尺四面雜書楚詞

唐詩秦定元年宏畧子張珪立石

元趙孟頫墨刻在咸平寺附跋語右趙文敏書蕭散古淡筆法與世傳天冠山詩刻同墨跡藏

定遠方氏丁酉夏借觀因屬山右牛柏岡文學雙鈞上石公諸同好鑄者則江審侯懷勝亳州梁熾識

明

仁宗御敕碑在東門外迤南二里賈三策墓道前碑高一丈寬四尺厚

五

國朝

聖祖仁皇帝御書賜亳州知州朱之璉碑在朱公祠內詞曰
禮闈金榜揭長安九陌人人走馬看一日聲名動天下滿城

桃李屬春官康熙四十四年四月十六日臨董其昌



